



大乘百福莊嚴相經

大智度論三藏地持論羅再譯

如是我聞一時婆伽婆在舍衛大城  
普妙宮殿為欲化導无量眾生坐寶  
莊嚴師子之座與大比丘等千二百  
五十人俱菩薩摩訶薩无央數眾皆  
共恭敬周而圍繞瞻仰世尊身心不  
動時彼眾中有大菩薩名文殊師利  
承佛威神從座而起偏袒右肩右膝  
著地合掌向佛而作是言世尊我聞  
如來有大福聚大福聚者其量云何  
惟願世尊為我解說利益无量百千  
眾生令其意樂咸得滿足  
尔時世尊告文殊師利言善男子汝  
已超過一切聲聞及辟支佛能以智  
慧大悲之心為諸眾生請問如來如  
是之義諦聽諦聽善思念之吾當為  
汝分別解說  
文殊師利如一閻浮提所有眾生十  
善福聚如是福聚校計籌量數滿百  
倍成一轉輪聖王四天下自在福  
聚七寶成就千子具足何謂七寶一

百福莊嚴相經

第二卷

四

者金輪寶二者白象寶三者紺馬寶  
四者神珠寶五者玉女寶六者主藏  
寶七者主兵寶彼之千子各各威猛  
端正勇健能破怨敵文殊師利如是  
名為轉輪聖王所有福聚  
文殊師利如是轉輪聖王及四天下  
一切眾生所有福聚如是福聚校計  
籌量復滿百倍成一初利天王帝釋  
福聚  
文殊師利如是初利天王及四天下  
一切眾生所有福聚如是福聚校計籌  
量復滿百倍成一欲界第六天教  
受護持魔王福聚  
文殊師利如是第六自在天魔及四  
天下一切眾生所有福聚如是福聚  
校計籌量滿百倍成一慈心照察  
小千世界初禪梵王所有福聚  
文殊師利如是慈心照察小千世界  
初禪梵王及彼世界一切眾生所有  
福聚如是福聚校計籌量復百千倍  
成一中千世界二禪梵王所有福聚  
文殊師利如是中千世界二禪梵王  
及彼世界一切眾生所有福聚如是

百福莊嚴相經 第一

福聚按計籌量復百千倍成一大千世界慈心照察第四禪內摩醯首羅所有福聚

文殊師利是大千主摩醯首羅非少善根之所成就何以故摩醯首羅有大智慧大威神故如器世間災火焚已將更成立於第四禪天降大雨經五中劫不斷不絕其水遍彼大千界上至梵世無缺無減如是雨沛彼大千主摩醯首羅志能得知  
文殊師利如是摩醯首羅所有福聚如是福聚名為梵福

文殊師利如是三千大千世界主摩醯首羅及彼世界一切衆生所有福聚如是福聚按計籌量無量無邊億百千倍成一獨出大辟支佛所有福聚文殊師利且置如是一大千界假使十方諸佛世界一切衆生及辟支佛所有福聚如是福聚按計籌量至於無量億百千倍成一寂後生身菩薩福聚  
文殊師利如是寂後生身菩薩福聚及彼十方盡虛空際所有世界一切

百福莊嚴相經 第四張 毀字

衆生若卵生若胎生若濕生若化生若有色若无色若有想若無想若非有想非無想彼諸衆生所有福聚如是福聚按計籌量至於無量億百千倍成彼如來身一毛孔所有福聚文殊師利如是如來身諸毛孔其數乃有九万九千如是毛孔一一皆具如上所說無量福聚

文殊師利如是如來一切毛孔所有福聚如是福聚按計籌量復至無量億百千倍成如來身隨好之中一好福聚

文殊師利如是如來身諸隨好略說其數有八十種何謂八十一者首分圓滿二者髮際嚴好三者髮色青紺四者髮香芬馥五者髮其柔軟六者髮不紛亂七者髮不稀概八者髮常增長九者髮本波委十者髮端螺旋十一者髮狀花輪十二者髮如德字十三者面部平正十四者毫分充足十五者眉色青紺十六者眉不雜亂十七者兩目美好十八者兩目脩廣十九者兩目清淨二十者兩目明朗

百福莊嚴相經 第五張 毀字

二十一者目色紺艷如青蓮花二十二者耳甚長好二十三者耳無缺減二十四者耳無過惡二十五者鼻修高直二十六者兩頰滿足二十七者頰無缺減二十八者頰無過惡二十九者牙甚圓正三十者其牙均等三十一者唇色赤好如頻婆果三十二者舌赤柔軟三十三者聲如雷震三十四者其音朗徹三十五者身普滿足三十六者身肉豐好三十七者身肉平正三十八者身肉柔軟三十九者身漸臍直四十者身分相稱四十一者身極圓好四十二者身無缺減四十三者其身柔軟四十四者其身清潔四十五者其身輕妙四十六者身不動搖四十七者身極端嚴四十八者身無疵穢四十九者身光破闇五十者其腹美好五十一者其腹圓滿五十二者其腹不現五十三者其臍深密五十四者其臍不曲五十五者臍稱其位五十六者腋下平滿五十七者臂肘纖長五十八者手指圓滿五十九者手指纖美六十者手文

深好六十一者手文徑徹六十二者  
手文不乱六十三者手文潤澤六十  
四者文无麓細六十五者文端纖銳  
六十六者膝輪圓廣六十七者足跟  
臍滿六十八者足善按地六十九者  
行順於右七十者行如象王七十一  
者行如牛王七十二者行如鵝王七  
十三者行步威猛如師子王七十四  
者手足甲端微志高起七十五者手  
足等甲如赤銅色七十六者手足等  
甲並皆潤澤七十七者筋脉不現七  
十八者支節密緻七十九者諸根无  
涂八十者見者歡喜文殊師利如向  
所說此八十種是名如來隨好福聚  
文殊師利如是如來八十隨好所有  
福聚如是福聚按計籌量復滿无量  
億百千倍成如來身手足等中隨相  
之文一文福聚文殊師利如是如來  
手足等中隨相之文有八十種何謂  
八十一者梵王像二者天帝像三者提  
頭賴叱像四者毗樓勒又像五者毗  
樓博又像六者毗沙門像七者功德  
天女像八者日天子像九者月天子

像十者水天像十一者火天像十二  
者風天像十三者雲天像十四者天  
仙像十五者山王像十六者童男像  
十七者童女像十八者寶幢像十九  
者傘蓋像二十者寶冠像二十一者  
花鬘像二十二者珠璣像二十三  
者耳璫像二十四者臂印像二十五  
者寶釧像二十六者指環像二十七  
者寶鏡像二十八者白拂像二十九  
者德字像三十者花瓶像三十一者  
摩尼像三十二者寶劍像三十三者  
金剛杵像三十四者弓弧像三十五  
者箭天像三十六者戈戟像三十七  
者牙稍像三十八者鉞斧像三十九  
者繡索像四十者長鈎像四十一者  
幢刃像四十二者金鋌像四十三者  
天棒像四十四者天鼓像四十五者  
天螺像四十六者鞞鼓像四十七者  
花輪像四十八者宮殿像四十九者  
寶座像五十者浴池像五十一者蓮  
花像五十二者粉米像五十三者麩  
麥像五十四者藥草像五十五者靈  
茅像五十六者花樹像五十七者果  
樹

像五十八者金翅鳥像五十九者迦  
陵頻伽像六十者共命鳥像六十一  
者孔雀像六十二者鳩鵲像六十三  
者鴈王像六十四者青雀像六十五  
者鸚鵡像六十六者翠鳥像六十七  
者輪中師子像六十八者雪山白象  
像六十九者龍王像七十者象王像  
七十一者馬王像七十二者鹿王像  
七十三者牛王像七十四者野牛像  
七十五者牦牛像七十六者殺羊像  
七十七者大鼈像七十八者大龜像  
七十九者魚王像八十者螺王像文  
殊師利如是所說此八十種是名如  
來隨相福聚  
文殊師利如是如來八十隨相所有  
福聚如是福聚按計籌量復滿无量  
億百千倍成如來身三十二種大人相  
中一相福聚文殊師利如是如來大  
人之相其數乃有三十二種何謂三  
十二種大人之相一者頂有肉髻圓好  
高勝二者髮紺青色其毛右旋三者  
其額廣大平正嚴好四者眉間毫相  
白逾珂雪五者目睫青綴猶如牛王

百福莊嚴相經 第九卷 毀字号

六者口四十齒無有增減七者其齒  
 齊密無有踈缺八者其齒白淨無有  
 垢黑九者口有四牙其色鮮潔十者  
 其頷圓滿如師子十一者其舌柔薄  
 廣大紅赤十二者於諸味中而得上  
 味十三者其語雷震得梵音聲十四  
 者缺骨不現其處平滿十五者兩肩  
 圓正無有缺減十六者垂申兩臂手  
 摩其膝十七者其身上分如師子王  
 十八者身所有毛皆悉上靡十九者  
 身相圓滿如屋拘陀樹二十者其身  
 高妙滿足七肘二十一者身體皮膚  
 皆作金色二十二者一一毛孔有一  
 毛生二十三者勢峯藏匿隱密不現  
 二十四者兩髀圓正其肉滿足二十  
 五者踣相嚴好如伊尼鹿王二十六  
 者兩足豐滿無諸缺減二十七者兩  
 足掌下皆悉平滿二十八者足膚骨  
 肉皆悉隆起二十九者兩手兩足皆  
 悉柔軟三十者兩手兩足皆有網鞞  
 三十一者兩手兩足皆悉纖長三十  
 二者兩手兩足皆有輪相文殊師利  
 如是所說三十二種大人之相是名

百福莊嚴相經 第十卷 毀字号

如來正相福聚

文殊師利如是如來三十二種大人  
 福聚如是福聚校計籌量復滿无量  
 阿僧祇倍不可量倍不思議倍始成  
 如來大法圓螺隨類教化一切眾生  
 音聲福聚

文殊師利如是如來大法圓螺能隨  
 彼彼无量無邊阿僧祇等无量世界  
 一切眾生所有意樂如其意樂能悉  
 遍滿隨其類音說法教化利益安樂  
 如是眾生

文殊師利如彼如來所有音聲能有  
 如是無量勢力如來威光亦復如是  
 等彼音聲能有如是无量勢力  
 文殊師利如彼如來所有威光能有  
 如是無量勢力如來之身亦復如是  
 等彼威光能有如是无量勢力

文殊師利如上所說如是福聚不可  
 思議不可算數非諸聲聞辟支佛等  
 之所能得何以故如是福聚從大智  
 慧及大慈悲普遍一切最上願力所生  
 起故是故聲聞辟支佛等所不能得  
 文殊師利如來如是妙色之身悉是

百福莊嚴相經 第十一卷 毀字号

一切最勝清淨施戒修等及二因緣  
 之所成立何等為二一者如來最勝  
 願力二者如來化導善巧何謂如來  
 化導善巧謂諸眾生未種善根令種  
 善根已種善根令彼成熟已成熟者  
 令得解脫由是二種因緣力故是故  
 獲得妙色之身

文殊師利如是如來妙色之身由二  
 因緣之所成就如來音聲亦復如是  
 以二因緣而得成就

文殊師利如是如來所有音聲以二  
 因緣之所成就如來威光亦復如是  
 以二因緣而得成就

文殊師利如是如來所有威光以二  
 因緣之所成就如來說法亦復如是  
 以二因緣而得成就

文殊師利如是如來所有說法以二  
 因緣之所成就如來之行亦復如是  
 以二因緣而得成就

文殊師利如來如是為欲哀愍諸眾  
 生故出現於世為欲利益諸眾生故  
 出現於世為欲安樂諸眾生故出現  
 於世以諸眾生若干種性願樂差別

各各不同是故如來隨其意樂為現種種相好之身說法教化令彼調伏入佛法中使得成乾

尔時文殊師利菩薩摩訶薩聞佛所說如上福聚利益一切諸天世人便作是言世尊我於今者得大善利我於今者得大寂勝我於今者得无等等我於今者得大吉祥我思如來於世間中為諸衆生作大依止清淨不動猶如虚空難過難遭我今得見佛說是經已彼諸比丘及諸菩薩摩訶薩等歡喜合掌信受奉行

大乘百福莊嚴相經

大乘百福莊嚴相經

校勘記

一 底本，金藏廣勝寺本。一八五頁中  
原版缺，以麗藏本補；同頁下原版殘，以麗藏本換。

一 一八五頁中一行及卷末經名，石

作「大乘百福莊嚴相經一卷」；徑、

清作「佛說大乘百福莊嚴相經」。

一 一八五頁中二行譯者，石作「大唐

天竺三藏地婆訶羅奉詔譯」；資、

磧作「大唐三藏地婆訶羅等奉詔

譯」；晉、南、徑作「唐中天竺三藏

法師地婆訶羅等奉詔再譯」；清

作「唐中天竺三藏法師地婆訶羅

等奉詔譯」。

一 一八五頁下三行第五字「兵」，石

作「丘」。

一 一八五頁下一三行首字「受」，資、

磧、晉、南、徑、清作「授」。

一 一八五頁下二〇行第八字「計」，

磧作「量」。

一 一八六頁上八行末字「界」，石、

資、磧、晉、南、徑、清作「世界」。

一 一八六頁下一行第一二字「花」，

晉、南、徑、清作「葉」。

一 一八六頁下一五行第二字「潔」，

資、磧、晉、南、徑、清作「淨」。

一 一八六頁下一六行「端嚴」，資、

磧、晉、南、徑、清作「嚴好」。

一 一八七頁中二行末字「天」，諸本

作「大」。

一 一八七頁中一三行第二字「天」，

諸本作「矢」。

一 一八七頁中一五行末字「幢」，晉、

南、徑、清作「種」。

一 一八七頁中一六行第八字「鉞」，

資、磧、南、徑、清作「鉅」；晉作

「銀」。

一 一八八頁上四行「其領」，資、磧、

晉、南、徑、清作「領頰」。

一 一八八頁上一七行第七字「諸」，

資、磧、晉、南、徑、清作「有」。

一 一八八頁上二〇行「網鞞」，資、

磧、晉、南、徑、清作「網縵」。

一 一八八頁中二一行第一〇字「最」，

資、磧、晉、南、徑、清作「無量」。

一 一八九頁中二二行第九字「佛」，

資、磧、晉、南、徑、清無。